

¡BOMBA!

El futuro no es incierto:
vamos de horror en horror;
ayer nos mataba el calor
y ahora amenaza Alberto



K'uintsil

Martes 18 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2257 · www.lajornadamaya.mx

U ya'abil u yojéelta'al ba'al tumen táankelemo'obe' ti' kóom cha'an ku jóok'sa'al: tsoolmeyaj

Kóom cha'ano'ob ku k'i'itbesa'al ti' redes sosyalese' leti'e' tu'ux ku jach ch'a'ak ba'ax ku yojéeltik táankelemo'ob, ts'o'oke' kúuchilo'ob k'a'aytik péektsilo'ob úuch yanako'obe' ma' tu jach k'a'abéetkunsiko'obi' ts'o'oke' táan tak u ketikubáajo'ob yéetel inteligencia artificial, tu ya'alaj jump'eel tsoolmeyaj ku beeta'al ja'ab man ja'ab tumen Instituto Reuters para el Estudio del Periodismo, nuupul yéetel u noj najil xook Universidad de Oxford.

"TikToke' leti'e' asab ya'ab u meyajo' (...) ts'o'oke' u póorsentajeil máaxo'ob k'a'abéetkunsike' jna'ak 13 por siento ichil merkadóos yéetel 23 por siento ti'al máax yaan u ja'abil ichil 18 tak 24", a'alab te'el ts'i'ibo'.

Tsoolmeyaje' beeta'ab úuchik u k'aatchi'ibta'al 95 mil máako'ob ti' 47 noj lu'umo'ob, ti' Internet tumen u mola'ayil YouGov.

Beyxan tu lu'umil Perú, u 27 por sientoil máak (je'el máakalmáak u ja'abile') ku k'a'abéetkunsik TikTok ti'al u yojéeltik péektsilo'ob, tu táan 3 por siento yaan Dinamarca.

Kex u 85 por sientoil máaxo'ob k'aatchibta'ab Perúe' ku yilko'ob kóom cha'ano'ob lalaj semanas ti'al u yojéeltiko'ob a ba'ax; 77 por sientoil leti'e' beyka'aj ku k'a'abéetkunsal México (jach je'ex yanik Colombia), 76 por sientoile', Brasil; 75 por sientoile' Chile yéetel 66 por sientoil Argentina. Tu noj lu'umil Españae' k'ucha'an 64 por sientoil.

Noj talam ku taal tu paach le je'ela', tumen u yóox jaats (72 por siento) le ku cha'antalo' ku yila'al ti' plataformas yéetel reedes sosyaales, tu táan le 22 por sientoil ku yila'al ti' le jach kúuchilo'obo', ts'o'oke' lelo' ku beetik u tukulta'al beyka'aj kun béeytal u jach yantal náajal tumen.



Afp
Oochel Reuters